


T 3224/7331.83

1

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
SEP 19 1947

31.



閩清縣志序

夫備一方之文獻以存歷代之典章非志莫由矣顧吾
閩志乘各府州縣缺畧而未備輿散佚而無存者非止
一二地蓋或有絀於任而不敢輯者有限于時而不及
輯者有吝于財而不欲輯者幸際
聖天子在上簡任才俊出膺民社賢侯接踵而至其間加
意於修廢舉墜顯微闡幽者常不乏人若府若州若縣
志乘漸次修明而梅溪尚缺焉淳梁
斐園姚父臺以
言行舉於鄉貢入太學

廷試一等發閩試用前署屏南長樂兩邑潔已愛民敢於

任事辛酉冬復攝篆梅溪甫下車即慨然以修志為己
任廣搜博訪殫精神勞神越五月而書成無絀于任無
限于時無吝于財厥功懋哉向者父臺寓都門與次
男朝柄無為文字知交出其志禍囑兒輩以余為之序
余唯興修舉廢賢邑宰事也公五日京兆乃能不憚
勤勞簿書之下繼以修明缺者補之畧者詳之而微者
顯幽者闡所為先于前而裕於後者燦然備以是知
公之大有造於梅也爰為之序以誌不朽

昔

乾隆七年歲在壬戌長夏日

賜進士出身中憲大夫奉天府府丞提督學政紀錄一次

前掌京畿道事江西道監察御史

欽命巡視西城東城協理江南浙江山東等道翰林院編

修克

實錄館纂脩官

武英殿纂脩庚戌科

殿試受卷官戊戌科會試同考官丁酉科順天鄉試同考

官翰林庶吉士習清書陳治滋序

新輯閩清縣志

國史與邑乘相表裏國史嚴而核邑乘詳而確舉所謂城郭戶口山川名勝人物藝文與一切政治得失皆紀述之以成書其典重其事難非具才學識三長兼留心情形風土者鮮克勝任愉快此閩清志之新輯邑薦紳士民交歸德於賢大尹

姚君而余亦樂道其功也按閩清為古梅溪地作邑自五代王氏始丁明季兵燹後舊志付於煨燼閱今歷有年所城郭依然戶口日繁覽其山川名勝約畧可指詢其人物藝文舉一漏十即有賢吏治在民齒頽問者漸久

漸澆嗟夫史必採風志以徵信斯何如鉅典顧由明迄今歷三十餘年任之邑大夫相與諉其難莫過而問焉達之又久石室益無藏書輜軒之使將何所取證耶姚君以選枚入都

廷試第一名謀國雍旋捧檄南邦始令序南再令長樂三令閩清所至剔利弊振教化汲引人才如饑渴豈弟君子博物君子嘖嘖歡頌聲數萬口合一撤也蒞梅旬餘慨然以輯志為己任訪之紳士叅之故老折衷之郡省志蒐羅於殘闕之餘匪撫襲舊聞匪徧狗見匪敢附會濫登以傳疑傳誤為金城為湯池必繪諸圖若市井

若桑麻必符諸冊白巖朱頂梅杆諸名勝縹緲烟雲迷
離楮上許在丞之濟美陳秘書之競爽暨昭代碩彥鴻
篇燦爛日星交映簡端前後史茲上卓卓政績可師法
者大書特書以勵其餘製錦之暇費午夜幾許苦心分
類三十有二彙卷有十綱既舉目悉張夏五郭公魯魚
亥豕必慎校讐上之郡國登之朝廟俾官吏得考核以
集厥成在昔人畏為鉅且難者繼自今欣為詳且確實
哉令尹詢大有造於茲也環百里內稱靈稱傑胥賴以
不朽通百里外歌功歌德永報不已誼梅之邑乘於斯
告竣 君之治譜從此先聲矣余忝備史員旦夕珥筆

以侍兢然惟恐不克鼓吹休明隕越貽羞觀 姚君慨
任梅志舉百餘年廢墜典籍一朝而修五月而成因以
知天下事無鉅無難惟貴乎有才 有學 有識 而又有心
民情上俗任奚論久暫地奚論大小夫之以誠行之以
敏集之以至虛至公庶不愧夫有官有土者即以梅志
倡衆志也可

皆

乾隆歲次壬戌仲秋中旬後五日

賜進士第出身

日講官起居注翰林院侍講學士治年家弟禪吳履泰頓

首拜撰

纂輯懼後益無考予聞之不覺深訝焉我

國家御宇已歷百年聲名文物超軼前代薄海內外翕然
同風何吾梅獨苟簡若此前明固無論已即自國初以
來按籍而稽履斯地者前後已易三十有五人其間豈
無著作才出其學勝任而愉快者而顧因循弗為豈催
科聽斷之不遑歟奔走期會之無暇歟抑或遷除轉徙
之靡定歟果爾則是書終無成日矣念及此予曷勝惶
悚其又奚敢以固陋辭哉爰集邑中紳士之賢而有識
者耆老之樸而強記者咨其舊聞詢其軼事考其山川
詳其風物寧慎毋濫寧質毋夸稿初定而新任侯君來

接受縣事復與細加校訂大致折衷於省郡兩志而微
叅之分類三十有二彙卷有十更五朔而告成嘻予受
事未久自分毫無尺寸裨益於民惟恃此心之坦白以
及任事之誠懇可告無罪今幸書成非敢謂邑中之廢
墜賴以脩舉庶幾異日採風者至或籍以答輜軒之使
云爾是為序

皆

乾隆七年歲次壬戌六月之朔邑令浮梁姚循義書

序

自是契以來史之功大矣哉二典統名虞書先儒謂是

虞史所作其曰汝羲暨和言天地也封山濬川言地理
也四岳九官十二牧言官制也肆類禋望言秩序也五
玉三帛言朝覲也三就五宅言刑法也禹貢亦名夏史
其辨別九等言曰賦也旁及羽毛草木金鐵魚鹽之屬
言物產也作者之體於是大備然則尚書之文固王朝
之史也逮周禮外史掌四方之志解之者曰古者諸侯
無私史其國史書國中之事天子時巡以察之則是列
國皆有史矣今之郡邑即古之列國也歷代相傳邑有
志總於郡郡有志總於直省有志獻之

天朝朝之史臣綜核而纂輯之乃成一統志矣

天朝一統之史必原本於郡邑之志而成則為守令者脩
明志書非以夸耀著作蓋尊

王之義然也可勿兢兢歟閱清在會府長江之濱邑雖彈
丸而山川城郭風土人物規制則無殊於上國王會之
版安得缺此微區乃千百年來其所記載散出於郡志
省志之間而未睹全冊伊誰之責耶
江右姚父母來攝邑篆甫下車即以修志為己任是知
當務之為急者矣於焉殫力抽思窮搜殘簡博訪舊聞
倣兩漢班范遺例分其門類定其序次約而該筆嚴而
辭達不數月而書成是書既成方策與金石不磨鞏且

永也人頌之曰是為邦家之基翰墨與星雲並麗炳且
烺也人頌之曰是為邦家之光豈但一時之風聲恩惠
令人稱樂只哉石鍾首着冷曹與邑人士樂觀厥成與
有榮光故援筆而誌之又家大阮諱士芝掌鐸長樂亦
膏言 父母向攝長邑篆文章政績極為長邑人士矜
式云

肯

乾隆七年歲次壬戌六月吉旦閱清縣學教諭加一級

晉水陳石鍾拜撰

序

閩清據山^三上游密邇省會其山水之奧折文物之茂美
風俗之淳厚夙稱望邑獨志乘一書缺而未備曠數百
年來無著著作才克襄斯舉識者未嘗不致憾焉淳梁
姚父母甫下車即慨然已任集邑中縉士商訂舊聞採
輯近事條分縷析網舉目張散者貫之外者正之繁者
刪之略者詳之自星土風物國賦邦教下逮民情皆燦
然具列俾數百年之缺畧忽然大備成一代之文獻以
是知其有造於是邦也姚父母以江右鴻儒貢入成
均奉

天子命特昇海疆重地歷署屏南長樂閩清諸劇邑所至
輒著有能聲人之載之者不啻如召父杜母今觀志中
所載凡地方一切事宜有關民生利弊者無論鉅細靡
不悉心籌經理盡善其文章政事彬彬可考洵足照耀
千古適者復奉
列憲簡補南靖行見甘棠遺愛徧樹漳南豈獨閩清一
邑頌有斐於弗誼也哉

告

乾隆七年中秋後十日丙辰

恩科舉人揀選知縣侯官林澄源謹識

閩清縣志凡例

- 一閩清舊志久已散佚無考今惟查照省郡兩志所登載
逐條^者摘出外又採錄遺書并闔邑耆舊傳聞之有據者
附入編輯成書其中掛漏自應不免然亦不敢妄加臆
說滋後人談議
- 一分別條目悉依省郡兩志編定前後或因卷帙繁簡不
同少有變通仍不致大有撓越也
- 一凡事屬一類不可用另列者即附入其內以便觀覽如
村庄附入坊里之內是也餘仿此
- 一賦役遵照乾隆七年司頒款數以免錯悞其從前舊則

- 仍附載卷末不敢遽刪以致後無查考
- 一 人物如宋文定許將實係邑人其居址及狀元坊尚在縣治登第後乃移居省城故郡志省志俱載入閩清今特改正收入並非附會
- 一 閩清與永福壤地相錯有一山而跨越兩縣者彼此互見似難強為分別查郡志向亦兩存今仍其舊
- 一 凡孝子節婦其已經坊表者皆照依題請年分叙列其有實係窮鄉僻壤民族單寒而事有可傳情有可憫輿論僉同亦不忍煙沒並錄之以俟後人採訪
- 一 武弁屬在同城有彼此相資之誼查郡志不載今一併

錄入

- 一 近日人品端方孝友素著者必協於鄉評然後載入否則不敢濫登
- 一 凡外縣人從前寄籍閩清有已經中式出貢者若一例登入恐後致混淆然又未便遺漏今特從邑紳士之請另立在後以示別也
- 一 人物如黃植等職官如盤光等文章功業昭昭可考從前自應
- 一 體奉祀今查鄉賢名宦兩祠並無諸公神主大概閩清多數被水患牌位散失以致遺漏應仍補設至於

國朝之縣令姜良性訓導鄭文煒等亦皆著名當時尉為人望者今從邑人之請一並入祠以昭祀事

一山川橋亭寺觀古蹟擇其著名者登入餘不贅錄

纂輯閩清縣志姓名

總輯

閩清縣知縣

姚循義

分輯

閩清縣儒學教諭

陳石鍾

閩清縣儒學訓導

丁奇崑

監督

閩清縣典史

王兆基

校訂

原任開平縣邑人

蔡英

侯補縣丞邑人

舉人邑人

恩貢士邑人

歲貢士邑人

廩膳生邑人

廩膳生邑人

附學生邑人

增廣生邑人

正字

歲貢生邑人

孫柱

黃式

劉士睿

許鳴嶽

盧登洙

劉本沛

劉光漢

劉輝

劉士進

監生邑人

監生邑人

廩膳生邑人

增廣生邑人

增廣生邑人

廩膳生邑人

附學生邑人

繕錄

書吏邑人

書吏邑人

黃中美

劉槐

沈外龍

詹翔斗

唐啟聰

張煌

陳德馨

周禮

黃輝

書史邑人

張美

閩清縣志目錄

卷首

序文

圖畫

卷一

星野

城池

壇廟

卷二

山川水利附

凡例

目錄

姓

沿革

公署

鄉賢

津梁

坊里

疆域形勝附

學校

名宦

亭錄

村庄錄

風土

卷三

賦役

卷四

官制

卷五

選舉

卷六

名宦

隱逸

職官

兵制

武制

吏職附

人物

恩榮

孝義

烈女

仙釋

寺觀

卷七

物產

卷八

祥異

卷九

著述

卷十

藝文

下

後序

藝文

上

雜記

古蹟

宅墓

寺觀

古蹟

雜記

藝文

上

後序

藝文

下

後序

藝文

下

後序

藝文

下

後序

藝文

下

後序

藝文

下

後序

藝文

下

繪


圖

卷之八 卷之九 卷之十 卷之十一 卷之十二 卷之十三 卷之十四 卷之十五

卷之十六 卷之十七 卷之十八 卷之十九 卷之二十 卷之二十一 卷之二十二 卷之二十三


卷之二十四 卷之二十五 卷之二十六 卷之二十七 卷之二十八 卷之二十九 卷之三十 卷之三十一

卷之三十二 卷之三十三 卷之三十四 卷之三十五 卷之三十六 卷之三十七 卷之三十八 卷之三十九




縣署圖


縣署圖



學宮圖




學宮圖



城圖

縣境全圖



北至古田縣平里七里

西至尤溪縣界里七

南至永福縣界里十五

北至古田縣平里七里

南至永福縣界里十五



星野圖

哈佛大學哈佛藥宗
圖書館珍藏印

閩清縣志卷之一

邑令浮梁姚循義斐園氏編輯

星野

分野之說始於周禮保章氏以星土辨九州之地
故自古望雲氣察災祥其占驗每多不爽雖曰天
道遠人道邇然敬天勤民當亦有官守者所宜仰
體者也作星野誌

按省志謂牽牛跨浙粵閩三者閩距會稽不上數百里實
周天分度數一千四百六里之內即謂九閩咸隸會稽
牛一度也固宜又考之禹貢云淮海維揚州蔡氏曰

揚州之域北至淮東南入海今吳越皆東南濱海之地揚之北為吳地斗分野揚之東南為越地牛女分野則九閩分野當在牛女之墟故府志謂吾福當起於女四度訖牛七度信不謬也福郡為十郡之一而閩清又為福郡十邑之一去郡不過百有餘里其分野當與郡同

建置沿革

自秦廢列辟而郡邑始建閩清之為縣肇自五代偽閩時其前固未之有也歷宋元明以來聲教之洽已久與鄒魯等雖代有變化遷地不改易流宣化同時制宜固不必擇民而治也作建置志

閩清縣本漢侯官地唐貞元中觀察使王翊析侯官縣北

里置梅溪場五代梁乾化初偽閩王氏始陞為閩縣清

曹學佺西峯字說云縣之梅溪與大江江匯江水濁而溪水清故曰閩清

王氏改長樂郡為長樂府至晉王氏又改為長樂府為東都閩清咸隸之及後漢時錢氏據改東都為彰武軍

閩清仍隸之宋設威武軍節度使改彰武軍福州後改
威武軍為福建路仍領福州景炎元年改福州為福安
府閩清咸隸之元設福建行中書省改福州府為福州
路閩清仍隸之明設福建布政司改福州路為福州府
閩清仍隸焉

國朝因之

疆域

孟子曰子欲行仁政必自正疆界始疆界定而後
民數可稽壤賦可考善治邑者當視四境如一家
郊圻不啻几席正未可以遠近分也作疆域志

閩清縣 在府城西北一百二十里

東至侯官縣仁德里十五里

西至尤溪縣松陽里七十里

南至永福縣新豐里五十里

北至古田縣和平里七十里

東南至侯官縣守仁里七十里

西南至永福縣高蓋里舊名平蓋一百里

東北至古田縣邵南里六十里

西北至尤溪縣松陽里七十里

袤一百二十里 廣八十五里

縣治西北至五里沙止其界外玲瓏坑地方古田所屬舊界牌形跡猶存於順治拾叁年間大兵經臨着修橋梁道路適因古田人夫未齊兵道張差官勸署閩清印務譚嘉謀撥夫勉修一次不擬以斯為例連年累及五里沙人民致竄田荒於拾捌年間良性親詣該地關請古田縣知縣楊鴻儒會同踏勘界址明

白復刻牌申明上臺勅行古田地每年修築道路永界為定例兩無偏累知縣姜良性舊記

形勝附

萬峰拱秀 一水環清

省志 大江環左屏山聳前鳳凰南翔朱頂西舞
城池街市里巷附

郡縣之有城所以備不虞也倉庫監獄於是乎在
顧不重歟語云象志成城善於守者寧恃有形之
險然未雨綢繆謹其啟閉時其修葺要不可不講
也作城池志

閩清縣 舊無城惟東南北面創三敵樓置柵為門昕
夕啟閉曰迎恩門在縣南曰大西門在縣西曰北敵
樓在縣北至

國朝順治十七年知縣姜良性始造城垣

一城垣^垣周圍通計伍百拾丈高貳丈貳尺濶捌尺表裏
俱用石砌城堞用青磚每塊重拾筋共用磚拾萬餘塊
砌堞叁百六十有五以應周天之象間有細罅俱用石
灰匝縫以固金湯

一設四城門東曰光化門南曰宣政門西曰永寧門北
曰拱辰門又設水關一其各門關俱用鐵皮鑲釘城

樓肆座每座三欄合鳳凰展翅賽角式高計貳丈玖
尺廳濶一丈六尺兩邊房欄濶一丈貳尺四面俱做
窓格水關樓房一欄仍設砲臺叁座懸樓四座以為
禦暴之計也

一疏通水路惟水門一帶崎嶇俱填補坦平疏通一派
山水歸入小溪會流於外庶幾民居無害

一開闢道徑自南門一直開修出東北外即小溪自西
門開闢直上山亭用石板砌自小嶺開闢直上北門
亦出小溪山亭上左邊闢官路透出西門馬道周圍
便民通行貿易

雍正十一年巡撫趙國麟撥項重修姜良性
舊記

街五

迎恩街

學前街

十字街

西門街

浮橋頭街

市一

縣前市

巷七

狀元巷

里仁巷

後杆巷

際留倉巷

後葛埕巷

南宅巷

湖園街

浮橋頭

下社里

公署

今有廳事非止以示威福壯觀瞻也登斯堂者果能
剖決明歟苞直絕歟教化洽歟樂利溥歟朝考其職
夕庀其事當求上不負君下不負民而後即安否則
尸厥位矣作公署志

縣志

自後五代梁乾化時創建至宋熙寧中為洪水所

漂知縣陸絳新之後屢建屢燬明洪武九年主簿鄭
本始構堂宇及譙樓正統十三年復燬於兵天順七
年典史徐紹重建廳幕成化間知縣左輔黃澹相繼
修葺萬曆己酉秋洪水冲蕩縣宇為墟知縣俞咨龍

請貸公帑相度地勢移後百武就其高壇環砌以石
堂宇幕舍庫獄門楔旌善申明亭俱煥然一新有記
或藝文

國朝順治初燬於火乾隆二年知縣孫國柱添建大堂儀

門三年又奉文起蓋兩廊公廨規模始備有記載藝文

典史署在縣堂之西角圮於水乾隆三年知縣孫國柱
重建陰陽學在縣治西昇平坊

醫學在縣治東和豐里

僧會司在普賢寺

道會司今廢

府館在縣治南

際留倉舊在縣治西成化四年知縣左輔重建今圮其

基址改作駐防署

常平倉在山亭上計十廩口於雍正六年知縣何琬建

又一座計八廩口在縣署內西邊於雍正十一年

知縣孫國柱建 又一座計八廩在縣內倉後高基

上於乾隆四年知縣孫國柱添建

預備倉三舊志載一在安仁里一在蓋平里一在專里

久圮今皆無考

社倉分貯各都現在設有社長經營收貯乾隆五年捐

穀在內 又一座五廩在六都上東湖頭於乾隆六年劉士進劉廷嵩捐建 又一座五廩在二十一都

官圳於乾隆六年知縣孫國柱勸捐修建即在孫家

柱捐穀八百石收貯在內

監獄在縣署頭門內之西

駐防署 舊無署於康熙二十二年改設千總因一時

無署暫借縣倉駐劄年久倒塌於乾隆四年千總趙

才蒞任始詳請捐建即在舊倉廢基上

舖五

舖五

舖五

總舖在縣前

梅溪舖在縣南

牛頭舖在縣東北

眠石舖在縣南

甕口舖在縣北

恤政附

普濟堂 在南關外盤谷巖下知縣張兆鳳奉 文設立

育嬰堂 在北門內毓麟宮左知縣張兆鳳奉 文設立

養濟堂 在城隍廟石

義塚 在縣治東南明成化間知縣王 澧立

一在將軍廟右山坡上乾隆七年知縣 姚循義 侯海立

學校

昔宣聖車中籌衛富庶之後加之以教教不綦重矣
哉學校者教之本也哉

國家崇儒重道於鄉學國學立制周祥園橋觀聽靡不
蔚然奮興凡上之所以教與下之所以率者胥由乎
此其可忽乎作學校志

文廟 在縣治東南中為大成殿明倫堂在殿北尊

經閣在縣南射圃在學東 宋景德四年知縣史溫

即廢廩地建禮殿塑

先聖十哲像於殿中圖六十大儒於兩壁立閣五講堂

一談經樓三祭器咸備寶祐元年燬四年重建元至
元三十一年縣尹董禎泰定四年縣尹賈光祖先後
修建明洪武初知縣趙起居沈源相繼重修建神厨
米廩於殿右永樂十五年知縣朱毅以明倫堂傾欹
移建於北正統元年知縣葉宗泰辛節修廟學兩廡
天順三年教諭馬能建儒林坊成化四年知縣左輔
創尊經閣於殿南萬曆三十七年圯於水知縣俞咨
龍重加修建 國朝雍正二年知縣張兆鳳修雍正
十三年知縣孫國柱等捐增修邑紳士孫柱等捐砌
泮池有記載藝文

學田 原額二百三十五畝零實徵學租銀二十三兩五分康熙二十一年總督姚啟聖捐置田十七畝八分零

泮額 每科歲試取進文童八名 後加捐輸八名共十六名

武童八名 加捐輸八名共進十六名

科試取進文童八名 咸豐間加捐輸八名共進十六名

定額廩膳生員二十名 增廣生員二十名

二年一貢

現在學冊附學生員共壹百肆拾壹名

武生共陸拾名

頒發書目

十三經 共計一十六套

康熙字典全部

十七史 共計三十二套

弘簡錄 共計八套

明史全部

四書日講全部

名宦祠 在學宮左

宋

知縣史溫

知縣王亞夫

元

縣尹董禎

縣尹蔡嗣宗

明

知縣沈源 御史

知縣左輔

知縣劉^楊珣

知縣劉為

知縣朱毅

知縣余珍

知縣黃澧

鄉賢祠

宋

秘書陳祥道

侍郎陳暘

考功郎黃唐

學士鄭自誠

右丞許將

侍郎黃師雍

員外郎鄭源

編修陳問

朝請蕭磐

編修許份

明

編修許瑤

布政司謝瑤

忠諫陳良鼎

教諭趙正

節孝祠在縣南門外盤谷山中

忠義祠在學宮左 以上二祠俱雍正三年

勅建

董公祠在縣治西祀元縣尹董楨

賢良祠在南門外祀宋賢良陳暘雍正十三年奉

旨 發帑重修

香雪亭在學署

奎光閣在縣南芹山上康熙十年建即仙源道觀故址

社學在城南文昌閣雍正二年新設

正音書院在文昌閣雍正七年奉文設立

鄉約所在縣南門口

鄉賢補遺

宋

上柱國黃 稹

迪功郎陳剛中

秘書丞林夢英

知縣 蕭德藻

成都漕林文仲

逸士 許銳

理 學林學蒙

理學 林學履

學 士黃濤

明

知縣王 澂

教 諭林 鼎

學 正吳 湘

訓 導謝 濂

知縣鄭瀾

訓導劉煒

觀察使詹洪基

司馬陳以見

訓導詹應運

國朝

訓導鄭文杰

名宦補遺

元

都事藍光

縣尹趙景純

明

縣丞張文可

教諭俞河

教諭葉春及

知縣楊應曉

知縣俞咨龍

縣尉鄧煒

縣尉王卿

國朝

知縣姜良性

知縣李兆齡

知縣吳憲儒

知縣張兆鳳

訓導鄭文煒

以上諸公功業文章彪炳當時彰彰可考從前自應一體奉祀今查鄉賢名宦兩祠並無諸公神主大抵因閩清疊被水患牌位散失以致遺

漏應宜補設茲因卸任在即未即補立特載志中
務希將來一併入祠以昭祀事知縣姚循義識

壇廟

縣令古百侯古者諸侯有社稷山川之祭社土神稷穀
神以其能長養萬物粒成蒸民也山川為一邑之巨鎮
能興雲作雨潤澤下土故祭之其祭風雲雷雨者則欲
其風雨調順不鳴條不破塊也祭先農則務農重穀
之意耕籍所以勸農功也其有厲壇者鬼無祀則為厲
祭之俾有所款毋為伯有之祟也城隍一邑之神明
有令幽有神水旱疫癘禱靡不應以其能捍災禦患也
至於

關聖帝

天后歷代尊崇成能護國衛民故並列祀典

其他則為淫祀非令之所宜祭矣作壇廟志

社稷壇 在縣治南三里許

風雲雷雨川壇 在懷德廟後

先農壇 在縣南龍岡菴舊址雍正六年奉一文建

厲壇 在縣治北七里

城隍廟 舊在縣西門內明天順六年移建西門外乾隆七

年知縣姚循義捐俸修整丹堊輝煌有記載藝之

關帝廟 在縣治東雍正六年追封三代春秋致祭如

文廟禮

天妃廟 在南門外志載 神靈跡甚多有功生民宋宣

和間特賜順濟廟號乾道間累封靈慧昭應崇

福夫人淳熙十一年加封善利紹興間特封靈

慧妃慶元開禧間累封助順顯衛英烈協正善

慶等號元賜額靈濟明永樂間命修廟宇加封

號

國朝康熙十九年封為護國庇民妙靈昭應弘仁普濟天

妃遣官致祭二十二年加封

天后五十九年奉

旨春秋致祭編入典

昭顯廟 在縣治南

泰山廟 在縣西

廣澤尊王廟 在縣南

鄒太后廟 在縣南

閩清縣志卷之二

山川水利附

邑令浮梁姚循義斐園氏編輯

禹貢一書歷載名山巨川者蓋必山川形勢洞悉於中而後可施其疏鑿縣令撫有四境若不審其山之夷奧窮其水之源委與其徑路之交錯其何以保障斯民乎然則紀山川者非僅以誇勝概恣登覽也作山水志

臺山 在縣西南山勢平行縣之主山也其麓有龍

江書院 祀宋侍郎陳祥道 巔有石塔故又名石塔及其弟暢於內

山邑貢生劉夢成詩凌霄古塔挿奇峰渺渺雲山
趣不窮極目晴光飛鳥外夾江秋水映長虹

鍾南山 在臺山之南舊傳有二人裹糧入山憩草
屋下忽一人自外至袖中出芋數枚撥落葉煨以
相啖遲明遂失其處但見木葉盈尺題詩其上云
偶與雲水會不與雲水通雲散水流後杳然天地
空

盤谷巖 在鍾南山下有白泉甚甘或云此即乳泉
也飲之可延年

芥山 在臺山左邑人白玉蟾煉丹處也舊建有仙

觀今圮康熙十年改建奎光閣

名山 在芥山 人薛丕居或傳其仙去

金鍾山 在縣南絕頂形如鐘覆

中洲 在龍岡山下甚平衍溪山環抱翠陰綠連陰

沈子巖 在昭顯廟巖下水中鑿有沈子巖頭風水

淺則見又載古蹟邑廩生劉肇沛詩沈子巖頭風
日晴憑高一望綠坡平石根古樹高千尺單得澄
潭萬古清

梅溪坪 溪源出水福由縣西五里入江坪舊有龍
岡菴於雍正六年改建 先農壇朱晦菴書有梅

潭下石
溪二字鑄於雍正壁上知縣何琬詩中秋載酒到
梅溪水色山光白露淒風雨欲來人盡醉詩成返
棹月明西

象鼻山 上有古塔基址象鼻處建柱流亭有古石

樟樹如蓋

獅子巖 在象鼻山東

張公泉 在奎光閣下知縣張兆鳳捐奉砌路因得
是泉士民德之立碑其上曰公尹梅溪興利除弊
多善政民之慶得公猶渴之慶得泉也爰名之石
曰張公泉俾飲是泉者毋忘所自云

鳳凰山 在縣東北展北兩翼如鳳故名

起傳巖 在鳳凰山^上宋陳祥道與其弟安道暘三人

卜居其下闢圃種梅讀書其間祥道安道舉進士

賜應賢良科鄉人因名其巖曰起傳姚循義詩

名山大業至今傳傳說巖頭花萼聯對策金門推

國事陳書秘苑重經筵香凝梅圃芳流遠瑞輯舟

山澤未湮應有後來學步者藜光又照草廬前

石竹山

猴山 在鳳凰山旁

鐘湖山 在鳳凰山東下有鍾潭蛟龍出沒人不敢

近山半有湖環生蘆荻水味特鹹舊傳此水應海潮盈縮歲旱祈雨於此

留錢山 在縣西南唐乾符中天雨錢於山上有聲錚錚然及旦視之以億萬樹計樹木皆折

大帽山 在留錢山西接永福界其巔時有鼓聲雲覆其上

石屋山 巔有石屋併石榻石棋局相傳有仙居之龍都巖 高數百丈雙峰對峙宛若洞門常有雲氣或聞仙樂縹緲生員詹翔斗詩 烟霞四季籠巖頭谷口雲深佳氣浮定有躍龍潛古洞一朝雷雨

澤神州

烏石巖 最高登其巔邑諸山皆俯視之唐薛秘監行祠在焉

朱頂山 唐乾符中山下有池錫家畜一鶴旦輒飛翔山間因號其山曰朱頂林曰白鶴至今池氏家焉

海旂山 大雨錢處

白面山 有巖坑立其色瑩白望之隱隱如人面有溫泉出焉

鼎峰山 在縣西與永福連界梅溪環流其下

雙巖 在鼎峰山下有龍潛焉宋邑人林正卿誅茅
構龍門菴於此為祈禱遊眺之所宋黃幹有記載
藝文

聖堂山 在二都週圍平行中一山突起上有廟
檀峰 在十四都北通允溪有檀樹大數十圍根分

枝合雖盛夏蔭者忘暑觀鶴棲鳴其間無數

白雲山 在十七都賀恩里有仙峰巨石舊有序寺

玉臺山 旁有井中多蜥蜴禱雨數應有石鼓叩之

鳴

偃草山 相傳宋紹興間邑人張聖為白雲寺頭陀

飲牛山下見仙人圍棋山巔亟往視之仙已去追
之不及遂仆於地轅而下復轅而上所經草盡偃
劇去復生迄今如故因名曰其山曰偃草

雲山 在十九都

梭羅嶺 在六都

東嶺 頂上有安樂亭詳古蹟

半嶺 上有古松甘泉舉人孫湛建亭其間

蓮花峰 狀如蓮花

雌雄山 在際上相傳朝開暮合

金山 僧人去幻玄壇建寺於此旁即奇特巖下

有潭甚深沮里民間有網魚者時陰時晴倍呼其
價潭日龍潭

柯峰 峯聳揀漢上有仙人跡鄉人祈報於此

五臺山

珠峰 去龍津橋三里許有峰曰珠峰峰聳碧翠

流水屈曲雲吐其間石壁鏤有觀雲岫三字朱晦
菴書也其峰與侯邑梧峰相映

大湖山 在二都山巔有湖約半里許漢徐登趙炳

得道於此鄉人祀之邑有旱蝗禱無不應

白巖 在縣西南六十里峭壁數十尋為仙靈所窟

宅邑民禱雨嘗至其上屢有奇驗朱文公勒石其

上曰八閩祖嶽祖 中有懸魚洞倒鐘巖石門龍

洞珍珠簾

轉頭山 舊有寺僧巒疊嶂環山帶水古致尤勝

溫泉 在賀恩里可浴 又白面山亦有溫泉

梅溪 源出永福西境縣北之和豐坊西南入江

有梅溪鋪東達眠石北通甕口其地多種梅樹亦

名梅埔載曹學佺西
峰字說

演溪 源出尤溪入瞿曇溪

瞿曇溪 源出永福與演溪合入梅溪同歸於江

猴山限 兩岍高山通延建邵汀水縣治時患狂瀾
衝流砌一石限濶四丈長十餘丈高二丈有碑記
賢良坡 在昇平坊源出起傳巖流至磔頭嶺約三
里餘為巨石所遏邑人陳暢欲鑿而通之石工已
備質無所措手暢乃具命服拜禱有頃石巖自倒其
流遂通人獲灌溉之利甚溥以暢嘗應賢良科故
名

梅洋陂 在和豐里十五都

鄭埔陂 在二都

瀘口陂 在五都

橫宅陂 在七都

連溪陂

溪源陂 俱在九都

林埔陂 在十一都

仁王陂 在十四都

白洋陂 在十六都

樊嶺陂 在十七都

官陂

尾碓陂

灘壑圳

福斗波 以上俱在十五都

津梁亭附

歲十一月徒杠成十二月輿梁成此王政也及觀造舟為梁而知舟楫之利實與橋梁並重倘缺焉不講則停車道左立馬津亭能無臨流而返乎閩清僻在一隅雖不當世孔道然此來彼往朝出暮歸俾吾民不致有蹇裳病涉之嘆則庶幾矣作津梁志

龍津橋 在縣東元至正十年重修建覆以亭 國朝重修

曇口橋 在縣西鄉人沈公建明永樂九年知縣朱毅命邑人閩朱什募緣重建併構亭其上正統十三年

燬於寇成化五年知縣在左輔命耆民黃榮募建圮於水

度仙橋 在縣南三山志作鵲仙橋明洪武二十年知縣沈源建亭其上歲久而圯天順四年教諭馬能重修邑生員劉光漢詩仙踪久已逐雲銷不識何年度此橋碧水丹崖千古在鸞笙吹徹海天遙

龍瓜橋 在仁壽里旱禱即雨

浮橋 在南門外梅溪舊時隔溪民居千餘壯為設浮橋以便往來嗣因橋廢遷徙今成荒坵但聞清城市逼窄倘能仍舊設橋俾民間得復舊業則全盛可

復觀也緣賦小詩以誌屬望 天運循環本自然幾

經滄海變桑田梅溪地脉何時轉該誦聲聞兩岸連

牛角橋 在八都

上溪橋 在十四都

羅橋 在十五都

溪沙橋 有亭

嶺頭橋 有亭

許庄橋 有亭俱在二十都

龍腰橋 在二十一都孫柱砌墩重建

陞堂橋 在二十二都古候通津邑人孫柱重建

下庄橋

曲坑橋

湯壽橋

金坑橋

火羅橋

羅公橋

五峰橋

橋到頭設有塘俱在二十三都

在二十四都有亭

在縣西離城三里知縣羅才建

原名黃公縣宋紹興四年邑人黃楨捐資建

郡守嘉之名曰黃公橋明成化八年五月初

四日因池法師祈雨雨驟至平地長三十丈

橋為之圯萬曆中鄉人黃禹魁趙繼和等募

緣重建更名五峰併建亭於其上

飛來橋

詳古蹟下知縣姚循義詩分明雨後現長虹

誰道飛來駐半空擬向天台尋舊路胡麻流出小

溪中

孫公橋

在縣西棠口離城三里

長橋

在縣東二十一都安仁里孫柱重建

橋頭橋

在縣東二十一都安仁里

合龍大橋

在八都康熙三十四年邑老人鄭克承募

建砌石為墩架木為亭共一十六欄牢實堅緻可

通車輿

梅溪渡

在縣東昇平坊

白雲渡

在縣西白莊知縣姚循義詩為課農桑又

出城渡頭烟柳雨初晴白雲深處人家在

雞犬遙聞隔岫聲

馬坑渡

在縣西賀恩里

龍岡渡

在縣南

大箬溪渡

在縣東離里城二十里

天王渡

在天王寺前元季有浮橋洪水衝潰復置小

舟以利涉者

白塔頭渡

在縣東北

五峰橋渡

在縣東北西離城四十里宣統三募租債

工以為義渡

谷口渡

在縣南離城八里

亭附

嶺頭亭

盤石亭

下亭

半嶺亭

在二十都

水月亭

邑廩生劉朝獻詩水光浮戶外月色映溪心

清趣誰知領倚欄弄素琴

安樂亭一在東嶺頂四面巒峰環繞中有清泉流出映

水

帶左右

秀環亭 路通五七都

鳳凰亭 宋陳祥道故居

柯洋亭

坊里 村庄附

古者度地居民自閭黨以及鄉遂必經畫周祥如珠
聯璧合成臂指之形然後民可得而治此坊里所由
昉也今籍而稽凡疆里之縱橫村墟之遠近戶口之
繁滋咸在目睫撫有四境者其能無勃然興教養之
思歟作坊里志

閩清縣

宋分二鄉統十里元折宣政里為二坊合居仁

為仁為居護仁里而省苑丘里凡八里明初因之但

分居仁護仁為二里凡九里後改二坊五都統圖七

東奉政鄉宣政里

在縣東北三十里有昇平坊合
二都後折入孝順里

一都二都統圖一和豐坊合十六都十七都統圖一
南安仁里在縣南十九都合十八二十二十一二十
二二十三都統圖一西孝順里在縣西南六都合四都
及三都之半統圖一九都合五七八都及三都之半
統圖一北壽寧鄉仁壽里在縣西北五十餘里宋為餘里永寧鄉元改壽寧鄉
十一都合十都十二都統圖一十四都合十三十五
都統圖一此宋元明之大概也

國朝順治十七年知縣姜良性始分為昇平和豐旌良旌
善綏來淳化懷德七坊鄉在縣屯糧另立一鄉至乾
隆二年將海防屯糧割歸在縣又立為一鄉通共九

坊鄉

昇平坊

附縣

六墩 葭洋 曹埔 下金 鍾石 下亭 嶺頭
在縣四鋪

縣前鋪 中街鋪 縣後鋪 玉山鋪

附縣梅埔離城二十里過河

上湖村 石榴洋村 東坑村 常溪村

附縣谷口離城二十里

陳洋村 扶山村 塔頭 柿兜村 馬坪 西園村

和豐坊

二都離城三十里

深上村 官庄 台頭 鄭埔 後瓏 前枰

火燒橋 吉溪 土城 潭口

白雲渡離城三十里

樟邊林 半山裡

白雲洋離城三十五里

池埔 尾頭 園頭 溪前 前坪 上宅 馬坑

十七都離城八十里

半嶺嶺 白雲寺 西山 前洋

後洋 下爐 苦山 橋頭

大雄塘 尾樓 大墩 裡爐

湯下

旌善鄉

六都離城六十里

坂中 梭羅嶺 巷尾 湖頭

溪頭埔 田坑 加斜 下山龍

名山寺 沙堤壩 堂邊 坂頭

車壩 下杭 上墩 永溪洋

壩上 坪下 陳田 楊厝柄

李厝柄 榕坪 上汾 堂下

前埔

旌良鄉

三都離城四十里 功德寺

漚埔 高厝前 鷺峰嶺

坑頭 龜洋 爐下

四都離城四十里

白巖寺 羅坪 山中 鄭地

葫蘆門 碓壠 橋頭

五都離城六十里

茶口 桐柄 瀘溪 坂尾

塔庄 矮樓亭 柯洋仙

七都離城七十里

隔頭 地藏寺 積善寺 溪西

溪東 樓仔 下庄 洋頭

林宅

八都離城九十里

橋頭 省汾 楓坪 牛角橋

柴嶺 陳山洋 蘭兜洋 洋裡

堂下 水門裡 葭壠

九都離城八十里

潘亭洋

四角寨

上院寺

嶺裡

墓邊

下店堂

下坂寺

山邊厝

淳化鄉

十都離城一百里

洋尾

公厝

坑口

官洋

玉水

撫兜

飯洋

芹菜壠

王洋

凡坑

十一都離城七十里

池園衙

井後

寶山

洋頭

觀音堂

潘亭洋

東峰頭

溪墘裡

溪坪

店前

吳厝後

上坑寨

大榮坂

田地

十二都離城一百里

連埔

爐下

田溪寺

來招寺

峰洋

隔頭

田

中

新墘

山頭

下洋

庄

洋

石

圳

池邊

漆頭

綏來鄉

十四都離城九十里

寶安寺	寶安寺	田中
五峰橋	廣濟岩	流溪
保林	普賢寺	朱墩
浪湯洋	湖嶺	人皇寺
十五都離城六十里	龍貢隔	鶴林
古洋	朱洋山	灣柄
小園頭	廣坑	下斜
下路	林洋	東坑
上演	坵面	雲際
金沙堂	繼善	下溪
		寶峰
		上溪橋

懷德鄉

十九都離城一百一十里

上祝	厚錦	雲山	洋頭
彬倉	下祝	後房	溪源
溪演	文裡瓏	後瓏	白汀
洋頭墘	前坂	下黃石	可墘
坑口	梅尾頭	油瀨	上黃石
六角	尾墩	隔墘尾	瑞雲裡
九斗裡	笋嶺裡	福斗	鼎坑
福花	雲台坑		

洋邊

羅橋

渡塘

前洋

後洋

下寮坑

文洋

二十都離城七十里

許庄

殿洋

半嶺

烏山

竹河

高港

崎兜

倉後埔

姜園

上馬村

二十一都離城六十里

官圳

龍腰橋

南坑

過洋

局裡

嶺尾

橋頭

墓壠

恭竹岩

山限

橫路

東山

二十二都離城六十里

感德洋

祭山寺

光南竹

前場

祭源

小祭

溪坪

大王坑

後柿

上地元

二十三都離城九十里

湯壽橋

岩頭

溫湯

四保

理北山

官山

曲坑坑

牛壠

杏林

槐林

圳口

馬洋

潭津尾

馬池

下保

李家義

半嶺

北壠

山頭頂

高洋

二十四都離城一百三十里
桃園 潘宅 洋尾壠 前洋
後洋

風土

閩清風土在全省中^猶近為近古一變至道不易易哉
語云表正則影直上之所好下必甚焉固知移風易
俗令行禁止其故不在下而在上也有心世道者可
不畱心匡救歟作風土志

一習尚

郡志曰閩清風土與古田相類山田引泉注之歲收多入
故其俗務稼穡不尚侈靡篤於信鬼是其蔽也
常提閩清貢士莊增田記云家相率而學人相率而善君
子遜順小人獷暴安於朴素不事浮靡經商者寡力

穡者多男任耕耘女任紡織民畏官府追呼依期而集

山僻鄉民有老死不識縣門者

冠禮不行婚禮不親迎惟以聘幣妝奩相矜擢拜鏡廟見

如古制

喪尚浮屠七日成服用豕羊行三獻禮二三四七親友鳩

集致奠行禮如前殯豐儉不一塋墳酷信風水甚有

停柩數十年者

賓宴以十六筵為準衣制男女服飾布帛相間履多絁屬

時易新式首飾亦尚珠翠此習尚之大畧也

一氣候

閩清多山故氣候與中土異即郡邑亦自不同孟春遇雨

寒並隆冬初夏值雨亦寒至五月中方熱六月炎蒸

初秋不減白露後至秋分漸寒風氣栗烈霜多降雪

數年一次然一晴則煖冰不待東風始解凍也

一占驗

正月初六十六二十六日占六稻諺云雨打

二月驚蟄前雷鳴占春多雨諺云未至驚蟄先發雷匝月

朦朧不見天

三月清明要晴穀雨要雨

四月立夏小滿宜雨諺云立夏不下高田不用耙小滿不

滿芒種不用管

五月夏至日占穀貴賤諺云夏至五月頭邊食又浸愁夏

至五月中耽擱糶米翁夏至五月尾木頭米價起又

夏至宜雷諺云夏至有雷三伏冷夏至無雷曝殺犬

七月七夕占河影沒三日復見則穀賤七日復見則穀貴

八月朔日露重則疾病作仲秋夜雲重占來年元宵有雨

諺云雲蔽中秋月雨打上元燈

九月朔日至九日不宜風占來年穀貴一日至正月餘以

次第推占

十月朔日宜晴諺云十月初一晴街頭柴炭平

十一月冬至日占寒暖諺云冬至在月頭棉被架高樓冬
至在月中霜雪兩頭衝冬至在月尾放下犁耙去靠火

一節令

元日鷄鳴起肅衣焚香設齋果茶酒歲飯拜天謂之接一

年歲君謁祖先次及尊長并出門拜親友往來投刺

至三日乃已謂之拜年多不相見至堂書名而已若

尊長親入室拜其內見則奉茶用果子置茶中至親

留飯元旦皆茹齋祈一年安康旦出擇方隅期一年

吉慶凡三日不掃除除則留之至初五投之野為送

窮人携石塊回為換寶

新春家設春酒會族戚往來相請讀書家具東帖謂之吃

歲膳併叙新鄉人請女壻回輿多在此時

元宵里社各迎其本境之神於其家結燈棚張鼓樂各分

坊市以數十家為一社競以巧艷相同尚夜輪設宴會

謂之悅神遊人粧臺閣故事及撞神周遊街市以放

花爆為戲家中爆糯為米花以下一年休咎

正月二十九日各家煮糖粥用烏豎及乾果為辟蠅驚蟄

以石灰置礎柱云辟虫蟻

上巳各家門懸苾苾菜

清明具牲醴展墓祭除草覆土掛紙錢有未墓者亦祀於

家門各挿柳

四月初八日夜不燃火謂為辟蚊

立夏家作米糖或煎或蒸以巧好相尚親戚相餽送

端午初四家懸蒲艾於門飲蒲酒為除邪五日鬪草浴蘭

湯放黃煙飲雄黃酒為辟毒作角黍競度龍舟親戚

以角黍穀果相餽謂之送節具牲醴祀先

六月六日各晒衣服謂不生霉

七夕童子以瓜果作乞巧會學童各奉茶於書館相啖用

果置茶中或鮮或乾共七件謂之七夕茶

中秋造月餅設酒賞月食栗與芋童子備時果用瓦片砌

塔相拜祀

重陽剥粟飲艾酒相邀登高

冬至先數日各家糯舂晒乾至日作湯圓蒸米粿啖之及

粘門祀先人

臘月備年料釀酒索通錢凡婚嫁造墓之事多在此月十

五以後掃舍宇擇日謂之掃臘二十四日祀灶備酒

茶果品糕餅焚香放花爆拜禱謂之送灶神升天二

十五六七等日親戚具年糕牲醴相餽以為送年各

家蒸糖粿白粿買備物貨時果慶歲

除夕各家蒸歲飯陳牲醴祀神及先祖晚設盛飯宴飲謂

歲平時晚不掃屋是夜廳^房盡掃除糞草留之至正

月初五日換寶守歲燒爆竹換桃符粘春聯凡房樑

內各書吉慶字樣於紅箋散處粘之此一歲土俗之

大畧也

Vertical text bleed-through from the reverse side of the page, appearing as faint blue ink markings.

